



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<22>> սեպտեմբեր 2021թ.

Ո Ր Ո Շ ՈՒ Մ No. 2578-Ձ

ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով ֆիզիկական անձ Նազարեթ Հովհաննեսի Երամյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն հարկային պարտավորությունների հաշվարկման վերաբերյալ 01.04.2021թ. կազմված թիվ 778/2021/ԿՈՒՎԿ/Ն տեղեկանքի (տեղեկանքը կցվում է)՝ ֆիզիկական անձ Նազարեթ Հովհաննեսի Երամյանի (ՀՎՀՀ՝ 20118837, ՀԾՀ՝ 2314900626, հասցե՝ Գեղարքունիքի մարզ, Սևան, Նաիրյան փ. 129 13) չկատարված հարկային պարտավորությունը 01.04.2021թ. դրությամբ կազմել է 126.404 դրամ, որից հարկ՝ 81.683 դրամ, տույժ՝ 44.721 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, չկատարված հարկային պարտավորությունը գանձելու վերաբերյալ վարչական ակտ ընդունելու նպատակով 09.09.2021թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի տվել:

Համաձայն ՀՀ ոստիկանության «Ճանապարհային ոստիկանություն» ծառայության կողմից ստացված տեղեկությունների՝ ֆիզիկական անձ Նազարեթ Հովհաննեսի Երամյանի կողմից 2017թ. ընթացքում 2 անգամ իրականացվել է սեփականություն հանդիսացող նույն տեսակի գույքի (ավտոմեքենա) օտարման գործարք:

Համաձայն իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի 6-րդ հոդվածի 1-ին կետի բ ենթակետի՝ 11.10.2017թ. գույքի օտարման գործարքը համարվում է ապրանքի մատակարարման գործարք և ենթակա է ավելացված արժեքի հարկով հարկման՝ <<Ավելացված արժեքի հարկի մասին>> ՀՀ օրենքի 3.1-րդ հոդվածի համաձայն:

ՀՀ կառավարության 19.02.2009թ. թիվ 199-Ն որոշման համաձայն՝ ավելացված արժեքի հարկի հաշվարկը ներկայացվում է, ինչպես նաև հարկի գումարները վճարվում են ՀՀ պետական բյուջե մինչև գործարքի իրականացման եռամսյակին հաջորդող ամսվա 20-ը ներառյալ:

Ֆիզիկական անձ Նազարեթ Հովհաննեսի Երամյանի կողմից ավելացված արժեքի հարկի 2017թ. 4-րդ եռամսյակի հաշվարկը չի ներկայացվել և չի վճարվել ավելացված արժեքի հարկի գծով պարտավորությունը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված պարտավորությունը կազմում է 126.404 դրամ, որից հարկ՝ 81.683 դրամ, որը հաշվարկվել է <<Ավելացված արժեքի հարկի մասին>> ՀՀ օրենքի 9-րդ հոդվածի համաձայն, տույժ՝ 44.721 դրամ, որը հաշվարկվել է ՀՀ հարկային օրենսգրքի 401-րդ հոդվածի համաձայն:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 6-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 59, 88 հոդվածներով,



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

Ո Ր Ո Շ Ե Ց Ի

1. ֆիզիկական անձ Նազարեթ Հովհաննեսի Երամյանից գանձել 126.404 դրամ պարտավորության գումար համաձայն ստորև ներկայացված աղյուսյակի՝

01.04.2021թ. դրությամբ չկատարված հարկային պարտավորությունները գանձելու վերաբերյալ

Չափման միավորը՝ դրամ

Գ/Գ	Հարկի և այլ պարտադիր վճարի տեսակը	Հաշվարկված հարկ/վճար		Հաշվարկված տույժ	Հաշվարկված տուգանք	Ընդամենը	Վճարման ուղղությունը	Հաշվի համարը
		առաջացման ամսաթիվ	գումար					
1	2	3	4	5	6	7= 4+5+6	8	9
1	Ավելացված արժեքի հարկ	22.01.2018	81.683	44.721		126.404	պետական բյուջե	900008000490

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

ԾԱՆՈԹՈՒԹՅՈՒՆ՝

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտած որոշումներով գանձման ենթակա ընդհանուր պարտավորությունը 1.500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Լուսինե Զաղացպանյան
հեռ.՝ 011-549-191 (9168)



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

ՏԵՂԵԿԱՆՔ 778/2021/ԿՈՒՎ4/Ն
ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ՎԵՐԱԲԵՐՅԱԼ

Ստորև կատարվում է հարկային պարտավորությունների հաշվարկ՝ հիմք ընդունելով ՀՀ Ոստիկանության «Ճանապարհային ոստիկանություն» ծառայության կողմից ստացված տեղեկությունները, այսպես.

ՀՀ Ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ ֆիզիկական անձ ՆԱԶԱՐԵԹ ՀՈՎՀԱՆՆԵՍԻ ԵՐԱՄՅԱՆԻ կողմից (հաշվառման հասցե՝ ԳԵՂԱՐՔՈՒՆԻՔ, ՍԵՎԱՆ, ՆԱԻՐՅԱՆ Փ., 129, Շ, 13, ՀԾՀ՝ 2314900626, ՀՎՀՀ՝ 20118837) օտարվել են սեփականության իրավունքով իրեն պատկանող հետևյալ տրանսպորտային միջոցները.

1. 16/01/2017 թվականին օտարվել է 12/01/2017 թվականին ձեռք բերված MERCEDES-BENZ A160 մոդելի 2002 թվականի արտադրության 102 ձիաուժի տրանսպորտային միջոցը, որի պայմանագրային արժեքը կազմել է 500000 ՀՀ դրամ,
2. 11/10/2017 թվականին օտարվել է 23/06/2017 թվականին ձեռք բերված MITSUBISHI GRANDIS 2.4 մոդելի 2005 թվականի արտադրության 165 ձիաուժի տրանսպորտային միջոցը, որի պայմանագրային արժեքը կազմել է 490000 ՀՀ դրամ:

Անհատ ձեռնակատեր չհանդիսացող ֆիզիկական անձի կողմից իրականացված գործարքները համարվում են ապրանքի մատակարարում հետևյալ դեպքերում՝ մեկ օրացույցային տարվա ընթացքում երկու և ավելի թվով անգամ անձի սեփականությունը կամ ընդհանուր սեփականությունը հանդիսացող նույն տեսակի հետևյալ գույքի՝ բնակարանի, առանձնատան (այդ թվում՝ անավարտ (կիսակառույց)), անձնական օգտագործման ավտոմեքենայի, գյուղատնտեսական նշանակության և բնակավայրերի հողերի, ավտատնակի՝ որևէ ձևով կատարվող հատուցման դիմաց օտարման դեպքում ապրանքի մատակարարում է համարվում այդ ժամանակահատվածում երկրորդ և ավելի թվով նույն տեսակի գույքի օտարումը, եթե օտարումը կատարվում է տվյալ գույքի ձեռքբերմանը հաջորդող մեկ տարին չգերազանցող ժամանակահատվածում և ԱԱՀ-ի մասին ՀՀ օրենքի 3.1 հոդվածի համաձայն ֆիզիկական անձը ԱԱՀ-ով հարկվող գործարքներ իրականացնելու դեպքում համարվում է ԱԱՀ վճարման պարտավորություն կրող:

ՀՀ կառավարության 19.02.2009թ. թիվ 199-Ն որոշման համաձայն՝ ԱԱՀ-ի հաշվարկը ներկայացվում է, ինչպես նաև գումարները վճարվում են ՀՀ պետական բյուջե մինչև գործարքի իրականացման եռամսյակին հաջորդող ամսվա 20-ը ներառյալ: Ֆիզիկական անձի կողմից տվյալ եռամսյակի ԱԱՀ հաշվարկը չի ներկայացվել և ՀՀ պետական բյուջե վճարում չի կատարվել:

Ավելացված արժեքի հարկի հաշվարկ չներկայացնելու և վճարում չկատարելու պայմաններում հարկային պարտավորությունների հաշվարկը կատարվում է հետևյալ կերպ.

«Ավելացված արժեքի հարկի մասին» ՀՀ օրենքի 9-րդ հոդվածի համաձայն MITSUBISHI GRANDIS 2.4 մոդելի 2005 թվականի արտադրության 165 ձիաուժի տրանսպորտային միջոցի օտարման գործարքից հաշվարկվում է ԱԱՀ 16.67 տոկոս դրույքաչափով՝ 81683 ՀՀ դրամ (490000*16.67%):

Հարկային օրենսգրքի 401-րդ հոդվածի համաձայն, հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը

(հարկային օրենսդրությամբ սահմանված դեպքերում՝ հարկային գործակալը) վճարում է տույժ՝ ժամանակին չմուծված հարկի գումարի 0,075 տոկոսի չափով՝ 44721 ՀՀ դրամ (81683 * 0,075% * 730 օր):

Այսպիսով 01.04.2021թ.-ի դրությամբ ավելացված արժեքի հարկի գծով ենթակա է վճարման 126404ՀՀ դրամ գումար, որից հարկ՝ 81683 ՀՀ դրամ, տույժ՝ 44721 ՀՀ դրամ:

Միաժամանակ տեղեկացվում է, որ հարկային պարտավորությունները հաշվարկվել են 01.04.2021թ. դրությամբ և ենթակա է վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

Վերլուծության թիվ 4 բաժնի պետ՝

Կատարող՝ գլխավոր հ/տ

Կատարման ամսաթիվ՝ 01.04.2021թ.

Լիանա Զիլավյան

Աննա Շահբազյան